

ALEXANDER GALLETTI Patricius Arretinus Eques Ordinis Beati Stephani Dei, et Apostolicae Sedis gratia episcopus Solensis et Coadiutor Volaterranus

Ea quae animarum pericula submovent, et gregi Nobis ^{debe}redito spirituale auxilium afferre possunt sedulo amplectentes, supplicationibus hominum Coloniae de Cecina inclinati, qui occasione pastoralis visitationis in eas partes nuper per Nos factae Nobis dolentes exposuerunt quod ipsi qui sub parochia Plebania nuncupata S.Hilarii de Bibbona huius dioecesis existunt ob distantiam locorum, atque itineris incommoditatem hiemali praesertim tempore quo viae quae ad dictam ecclesiam parochialem ducunt maximae coenosae redduntur, non possunt nisi summa difficultate et periculo infantes pro suscipiendo Sacro Baptismate ad illam deferre adeo ut per cappellanum ibi degentem praeter praescriptum ab ecclesia ritum eos ut plurimum baptizari facere cogantur, idcirco a Nobis enixe petierunt ut eorum commoditati prospicientes ad dismembrationem, et respectivam erectionem novae parochiae in dicto loco constituendae procederemus: Quare volentes tam iustae dictorum incolarum instantiae ac petitioni pro Nostri pastoralis offitii debito indulgere, attenta praesertim Benigna Annuentia Regiae Celsitudinis Petri Leopoldi Primi, Regis Hungariae, et Boemiae Principis, Archiducis Austriae, et Magni Etruriae Ducis, nec non habita prius per Nos diligenti super expositis inquisitione, citato et audito rectore dictae parochialis ecclesiae Plebaniae S.Hilarii de Bibbona, audito etc. dictae Coloniae Administro, et examinatis formiter pluribus ex dicto loco fidedignis testibus, illisque per eorum depositiones, aliasque legiptimas probationes concludenter verificatis praefatam COLONIAM DE CECINA cum ecclesia sub titulo S.Josephi ibidem existenti, eiusque incolis, et familiis a parochiali ecclesia S.Hilarii de Bibbona auctoritate Nostra ordinaria ac etiam a Sacro Concilio Tridentino Nobis delegata SEPARAMUS DIVIDIMUS ET DISMEMBRAMUS, dictamque ecclesiam cum Colonia de Cecina et illius districtu, videlicet

a Mare per lineam rectam ad terminum nuncupatum delle Porcareccine, et a dicto termino ad terram vocatam di Ceci, et hinc ad rivum de Linaglia, et procedendo per dictum rivum versus Mare, usque ad flumen Cecinae in eo loco ubi rivus Linagliae influit in dictum flumen Cecinae quibus terminis Commune Bibbonae dividitur ac separatur a Paratino Tenore praesentium IN PARROCHIALEM ECCLESIAM BAPTISMALEM AMOVIBILEM AD NUTUM ERIGIMUS ET CONSTITUIMUS, in eaque SS.Eucharistiae Sacramentum Fontem Baptismalem Olea sacra Coemeterium Campanile cum campanis et alia quae ad parochialem ecclesiam pertinent, retineri et custodiri mandamus. Declarantes tamen quod aedificia nuncupata "della Magona" e "del Fitto" sint et remaneant in antiqua possessione habendi Cappellanum sive Cappellanos pro administrandis sacramentis hominibus ac personis addictis ac inservientibus praefatis aedificiis, absque eo quod Parochus dictae Coloniae de Cecina nunquam praetendere possit ac valeat ullas ibidem functiones facere, excepto casu quo fuerit vocatus ab iis qui dictis aedificiis pro tempore praecerunt.

Ecclesiae autem praedictae in parochialem ut supra erectae jura omnia et privilegia quae coeteris parochialibus ecclesiis de jure competunt concedimus, et illis gaudere debere decernimus; eiusque pro tempore rectores "Prioris" titulo decoramus, et ut Batulo nigri coloris in quibuscumque functionibus ecclesiasticis publicis ac privatis, tam in propria ecclesia quam in aliis dicti Plebatus ac Sextus, libere et licite uti possint ac valeant benigne indulgemus.

Et cum parochialis ecclesia de Bibbona nullam suorum reddituum dismembrationem pati possit, declaramus pro congrua dictae ecclesiae Dote, et novi Parochi ac eius successorum substantiatione sufficere quidquid a Regia munificentia Magni Etruriae Ducis Cappellano praedictae ecclesiae elargiri solet, cui etiam elargimus fructus redditus et proventus universos Simplicis Beneficii seu Cappellaniae sub invocatione S. Antonii in ecclesia parochiali de Bibbona, eidem ecclesiae de Cecina per acta huius Curiae Episcopalis perpetuo adnexae atque unitae. Decernentes quod homines dictae plebaniae ex quo praedictus Parochus est sufficienter provisos nullatenus teneantur eidem solvere, prout hactenus nunquam solvere consueverunt, Decimas parochiales, et Taxas pro Funeribus defunctorum.

Et ad hoc ut tollantur omnes dissensiones, quae occasione dictorum funerum oriri possent inter parochum et haeredes defunctorum decernimus quod dictus parochus consequi tantummodo debeat eleemosinam Missae celebrandae pro quolibet defuncto, quae si, prout haeredibus libuerit, decantata fuerit, sit Trium Juliorum; si autem lecta, sit Unius tantum Julii; et insuper lucretur falculas cereas accensas tam circa cadaver quam super altare seu altaria. Et casu quo aliquis vellet invitare alium, vel alios praesbyteros, pro associatione cadaveris, ac etiam pro exequiis, tunc ultra dictos tres Julios, pro eleemosina Missae decantatae, habere insuper et consequi debeat Libram unam, solidos octo et denarios quatuor, seu unam monetam vulgo dictam "Piastrino" pro dupla. Si quis vero sepeliri voluerit more pauperum, tunc parochus observare teneatur dispositionem Legis Imperialis super sumptibus funerum. Declarantes etiam quod Parochus pro tempore dictae ecclesiae teneatur et obligatus sit continuam residentiam ibidem facere, infirmis eiusdem parochiae adsisistere, sacramenta ministrare, Missam omnibus diebus festis, comprehaensis etiam iis quibus servilia opera facere licet, pro populo applicare, illumque in Fidei Christianae rudimentis, et in iis quae credenda et agenda sunt opportune instruere, ac omnes denique hortari ut assiduas ad Deum praeces fundant pro incolumi ac felici statu Suae Regiae Celsitudinis, ac totius Regiae Domus cuius insigni liberalitati huiusmodi beneficium acceptum referre debent.

Ipsius autem sic erectae parochialis ecclesiae amovibilis juspatronatus sive jus eligendi et nominandi Parochum amovibilem ad nutum in quocumque casu vacationis praefatae Regiae Administrationi Possessionum Suae Regiae Celsitudinis spectare et pertinere decernimus.

Volentes et mandantes quod rectores pro tempore Ecclesiae Matricis de Bibbona sint et remaneant semper in antiqua possessione vel quasi accedendi quolibet anno ad ecclesiam de Cecina die decimaseptima Januarii qua die celebratur festum S. Antonii Abbatis, nec non feria quinta Majoris Hebdomadae et celebrandi primo dicta die Missam in eadem ecclesia, nec non ibidem faciendi solitam benedictionem, et in altera die celebrandi pariter Missam, Confessiones audiendi, populumque Fidei Christianae rudimenta docendi.

Praeterea ut dictae Matrioni ecclesiae debitus honor servetur et exhibeatur volumus quod Parochus pro tempore ecclesiae S. Joseph de Cecina teneatur et obligatus sit singulis annis die Sabbati Sancti accedere ad ecclesiam Plebaniam de Bibbona, ibique Benedictioni Fontis Baptismalis coeterisque Functionibus in dicta ecclesia peragi solitis

interesse atque adsistere. Et vice versa rector pro tempore ecclesiae Matricis de Bibbona teneatur et obligatus sit in Sabbato quod antecedit Solemnitatem Pentecostes accedere ad ecclesiam Filialem de Cecina ibique Benedictioni Fontis Baptismatis adsistere
In quorum etc.

Datum Volaterris in Nostro Episcopali Palatio hac die 6 septembris 1771
ALEXANDER EPISCOPUS COADIUTOR

L.S.

Joseph Antonius Cailli
cancellarius episcopalis

ALEXANDER GALLETTI Patricius Arretinus Ordinis Sancti Stephani Eques Dei sanctaeque apostolicae (Sedis) gratia episcopus Volaterranus etc. Universis et singulis.etc. Noveritis qualiter vacante parochiali ecclesia plebania S.Hilarii de Bibbona nostrae volaterranae dioecesis per obitum admodum reverendi Cosmae Gotti illius ultimi et immediati rectoris et pacifici possessoris extra Romanam Curiam sequutum de mense novembris anni 1779, comparuit coram Nobis D.Joseph Geri, uti et tamquam deputatus ab ill.mo et clar.mo domino senatore equite comite Friderico de Montauto Regiarum Possessionum praeside, constitutus per epistolam diei 6 Februarii 1781 in Actibus exhibitam, et in manibus Nostreis relaxatam scripturam sequentem videlicet Coram ill.mo ac rev.mo domino D.no Episcopo Volaterrano comparet dominus Joseph Geri uti et tamquam deputatus ab ill.mo et clar.mo domino equite comite Friderico de Montauto senatore florentino, et Regiarum Possessionum Magni Etruriae Ducis praeside, prout ex epistola supradicti diei, quam exhibuit atque produxit ^{pro omni etc. et omni etc.} etc. et breviter exponit Dominationi Vestrae Ill.mae et rev.mae qualiter parochialis ecclesia Plebania nuncupata S.Hilarii castri Bibbonae nostrae volaterranae dioecesis per obitum admodum rev.di domini Cosmae Gotti illius ultimi et immediati rectoris et pacifici possessoris de mense novembris anni 1779 extra Romanam Curiam sequutum vacavit et vacat ad praesens. Eius quidem ecclesiae juspatronatus, sive jus eligendi nominandi et praesentandi rectorem ad illam quotiescumque vacare contigerit ad praelaudatam Regiam Celsitudinem spectat et pertinet. Et cupiens praefatus comparens nominibus dictis dictam Ecclesiam de idoneo providere rectore ne ob diutinam vacationem detrimentum aliquid in spiritualibus et temporalibus patiatur per praesentem actum eligit et nominat atque praesentat in novum rectorem Plebanum nuncupatum admodum reverendum dominum Johannem Salvini sacerdotem de Querceto huius nostrae dioecesis, petens et instans huiusmodi electionem nominationem et praesentationem recipi et admitti, et suis loco et tempore licteras institutionis ad eius favorem expediri jurans in animam eius predictis nominibus quod in praemissis non interven: nec interveniet dolus fraus simoniae labes nec quaevis alia illicita pactio, vel corruptela etc. Et haec ad praesens etc. reservans etc. non solum, sed et omni etc. Die 17 Aprilis 1781 exhibita per dictum dominum procuratorem nominibus, qui iuravit in formam etc. Nos vero ALEXANDER GALLETTI episcopus volaterranus etc. antedictam electionem nominationem et praesentationem praedictas admisimus si, et in quantum etc. Nosque paratos obtulimus constituto tamen prius de dicto asserto iurepatronatus et de idoneitate praesentati ad institutionem et confirmationem petitas prout juris fuerit deveniendum. Sed volentes